


SUESUE LE MEA MONI



Lesona 1 mof
Aperila 4, 2026




“Faapei ona
alofa mai o le
Tama ia te au,
e faapea lava
ona ou alofa atu
ia te outou; ia
tumau pea outou
i lou alofa.”

(Ioane 15:9 SOV)

Tofu tatou ma mafutaga eseese ma le Atua. Ae tatou te malilie uma i le mea e tasi: e mafai (ma e tatau) ona tuputupu pea lenei mafutaga.

O le laasaga muamua mo lo tatou tuputupu a'e, o le iloa lea o lo tatou tulaga o iai nei.

Ua tuuina mai e le Atua ia i tatou se feau lautele i le tulaga faaleagaga o le ekalesia i lenei vaega mulimuli o le olaga. Ua i ai tatou la le matafaioi e iloilo ai i tatou lava po o le fea vaega lea feau e faatatau ia i tatou, ma faapefea ona faamalosia ma faalolotoina la tatou sootaga ma le Atua.



O le feau a le Atua (Faaaliga 3:14-22):



Iloiloga (Faaa3:14-17)



Fofo (Faaa 3:18)



Iuga (Faaa 3:19-20)



Faaeaina (Faaa 3:21-22)



Suesue le mea moni (Ioane 15:1-11):



O le lala ma le vine



O le sua

O LE FEAU A
LE ATUA

(Faaaliga 3:14-22)

ILOILOGA

"Auā ua e fai mai, Ou te se mauoa, ua faatamaoigaina a'u, ou te le mativa foi i se mea e tasi; a ua e le iloa o oe o le malaia, ma le pagatia, ma le mativa, ma le tauaso, ma le le lavalava;"
(Faaaliga 3:17)

O le fe'au i ekalesia e fitu o lo'o fa'aalia ai le tulaga o le ekalesia i le lalolagi mai le taimi o le au aposetolo e o'o mai i le taimi nei (Faaa 2-3). I le folafolaina o le fe'au mo o tatou aso (Laotikaia), o lo'o fa'aalia ai e Iesu o ia lava o "le Amene [Upumoni], o le molimau fa'amaoni ma le moni" (Faaa 3:14).



O le vaavaai ifo ia i tatou lava, tatou te iloa ai le mea moni ia i tatou lava: "Ou te se mauoa, ua faatamaoigaina au, ou te le mativa foi i se mea e tasi" (Faaa 3:17a).

A ua silafia e Iesu le mea moni, o lo tatou moni: "O oe o le malaia, ma le pagatia, ma le mativa, ma le tauaso, ma le le lavalava" (Faaa 3:17e).

Ua oo i le taimi e iloilo ai i tatou lava. Pe ua ou iloa ea mea moni ua ia te a'u, ma mea o loo o'u mana'omia pea? O le a se maualuga o le tuputupu o la'u mafutaga ma Iesu? Po ua ou suia ea mo le lelei?



FOFO

“'ou te fai atu ai ia te oe, ia e faatau atu ia te au le auro ua faamamāina i le afi, ina ia e tamaoaiga ai; ma ofu sisina ina ia e ofu ai, ina ne'i iloa le mā o lou le lavalavā; ma le vaimata e nini a'i ou mata, ina ia e pupula ai.” (Faaaliga 3:18)

Talu ai o le lagona to'afilemu i o tatou tulaga e mafua ai le leai o se lagona (faaleogalua), ua fautuaina i tatou e lesu e fai mea e tolu:

Faatau le auro ua faamamaina



Aua le faamalieina i ni upu moni e le atoatoa poo suesuega papau o le Tusi Paia. E tatau ona lafoaia aoaoga faavae faaletagata (ilaila) ma ia sailiili loloto suesuega o le Tusi Paia e aveesea ai mea le atoatoa uma (otaota) ma lo tatou malamalama i ai.

Faatau ofu sisina



Ia talia le amiotonu a lesu, pau lea o le ala e maua ai le faaolataga. O le manatu e tuuina atu oe lava i luma o le Atua e ala i au galuega o le amiotonu o le faaali atu lea o i tatou lava i Ona luma e le lavalavā.

Faatau vaimata



Talia le Agaga Paia. Na o la lava e mafai ona foa'i mai ia i tatou le iloatino faaleagaga ma fa'atalitonuina i tatou i lo tatou tulaga moni (Ioane 16:8).

RESULT


"Faauta, ou te tu atu i le puipui ma tu'itu'i atu; ai se tasi e faalogo mai i lo'u leo, ma tatala mai le puipui, ou te ulufale atu ia te ia, ma te tali sua foi ma ia, o ia foi ma a'u." (Faaaliga 3:20)

E iai se fa'afitauli. Ou te lagona lou lelei faaleagaga, ae e finagalo Iesu ia fa'aleleia au. Ae peita'i, afai ou te le o iloa lo'u mana'oga mo se suiga, ou te le suia lava. Ou te le mana'o lava e fa'atau le mea ua ou manatu ua ia te a'u.

Ina ia foia lenei faafitauli, e iai lava metotia a Iesu: "O i latou uma ou te alofa i ai, ou te aoai ma sasa"; ma la faaopoopo mai: "Ia e salamo" (Faaaliga 3:19).

E le leaga le aoaiga ma le sasa a Iesu. E sili atu Lona fia talatalanoa. E finagalo o ia e nofo filemu ma i tatou ma talanoa... "Faauta, ou te tu i le faitotoa ma tu'itu'i atu; ai se faalogo mai i lo'u leo, ma tatala mai le faitotoa, ou te ulufale atu ia te ia, ma te talisua faatasi ma ia, o ia foi ma a'u" (Faaa 3:20).

O loo tu'itu'i mai Iesu i le faitoto'a o lo'u loto ma o loo la fa'atali ma le onosa'i. E le fa'alavelave o ia i lo'u olaga ma fa'amalosia a'u e faia se mafutaga ma ia. O la'u lava filifiliga e tatala ai.



FAAEAINA


“O lē manumalo ou te avatua i te ia ma te nonofo faatasi ma a'u i lo'u nofoālii, e pei o a'u foi ona ou manumalo, ua ma nonofo foi faatasi ma lo'u Tamā i lona nofoālii.” (Faaaliga 3:21)

Silafia e Iesu e lē faigofie le ala. Oa tatou taumafaiga e fa'atau le auro, le ofu sisina, ma le vai mata. Ua la silafia la tatou tauiviga e faatoilalo le faaleogalua, tatala le faitotoa, ma fesootai ma la. O le mafuaaga lea ua la fetalai mai ai: E mafai ona outou manumalo, e pei ona Ou manumalo (Faaa 3:21).

Ua la silafia tatou te lē laa lava i le la'asaga muamua. O le Atua lava la na amatamea.




Na ia filifili
e faia i
tatou
(Ken. 2:7)



Na ia saili
ina ua tatou
agasala
(Ken. 3:8-9)



Na ia tuu
mai o la
lava e
faaola ai
tatou
(Ioane 3:16)



Ua la finagalo e
tuuina mai so tatou
taui: e nonofo ma la,
ma fiafia i le faatasi
ma la e faavavau
(Faaa. 3:21)

O le ki i lenei amio paia (lea e lē tatau ona tatou maua) o le alofa: “Ua ou alofa atu ia te outou i le alofa e faavavau” (Ieremia 31:3). E finagalo o la e i ai se mafutaga ma i tatou. Pe ou te fia i ai se mafutaga ma la? Pe o le a ou tatala atu ea lo'u loto ia te la ma alofa ia te la e pei ona la alofa mai ia te a'u?



SUESUE LE MONI


(loane 15:1-11)

O LE LALA MA LE VINE

“O a'u nei o le vine, o la outou. O lē tumau ia te au, ma a'u ia te ia, o ia lava e fua tele mai; auā e le mafaia e outou ona fai o se mea e tasi pe a a'u le i ai.” (Ioane 15:5)


A o latalata ona maliu o la, na fetalai atu ai lesu o la “o le vine,” ma o ona soo o “lālā.” O le ā le uiga o lana fetalaiga?

E mafai e le lālā ona ola mo sina taimi e aunoa ma le pipii atu i le vine, ae mulimuli ane ona mago lea. Ina ia lē misia le ola e faavavau, ua aioi mai ai lesu ia i tatou: “Ia outou tumau ia te a'u” (Ioane 15:4). I fuaiupu e 11 o loo faamatala ai e lesu lenei faataoto i le vine ma lālā, ua ia faaaogaina ai le veape “tumau” e faaselfulu. O lona uiga e matua taua lava.



O le tumau ia lesu o le vaifofo lea o le faaleogalua o tagata Laotikaia. E le gata i lea, o le puna lea o le olioli (Ioane 5:11). Ae e faapefea ona tatou tumau ia lesu?

I le faia o mea e fiafia i ai o la, o lona uiga, o le tausia o Ana poloaiga (Ioane 15:10). O se tali alofa lea i le alofa ua faaalua mai e le Atua ia i tatou (1 Ioane 4:19).



O L E S U A

“Ina tumau ia o outou ia te au, o a'u foi ia te outou. Faapei o le la e le mafai ona fua pe a na o ia, pe afai e le mau i le vine; a faapea foi outou, pe afai tou te le tumau ia te au.” (John 15:4)



I le taumalulu, e pipii atu lālā i le vine, ae latou te lē fua mai. Aiseā? Auā latou te lē maua le sua.

E na'o le taimi lava o le tautotogo e maua ai e nei lālā le sua mai le vine, ona tupu mai ai lea o lālā (tatupu). O le upu Eleni na fa'aaogaina e loane e mafai fo'i ona fa'asino i lālā ua gauia ese ma toe fa'apipi'i atu i luga o le vine.




Po o ni lālā mu'amu'a pe ni lālā gauia, e tasi le mea e manino: e mana'omia e i tatou le sua o le vine. O le ā se mea e mafai ona tatou fa'atusa i ai lenei sua? I le lauga lava lea e tasi (loane 14-17), ua tuuina mai ai e Iesu ia i tatou le faamalamalamaga: O le Agaga Paia o loo galue i totonu ia i tatou e foai mai ia i tatou le ola, pe afai tatou te mananao i ai.

O lo tatou fesoasoani (loane 14:16-17)

Na te faailoa mai Iesu (loane 15:26)

Faailoa mai le agasala (loane 16:8)

Taitai I upu moni uma (loane 16:13)



“O le auro o loo fautuaina iinei ua uma ona faamamaina i le afi o le faatuatua ma le alofa. E faatamaoagaina ai le loto; auā ua faamamāina se’ia oo ina atoatoa, ma o le tele o lona tofotofoina, o le tele foi lea o lona pupula. O le ofu sisina o le mamā lea o le amio, o le amiotonu a Keriso ua foaiina atu i le tagata agasala. O se ofu moni lava lenei o le ie faalelagi, e na o Keriso lava e mafai ona faatauina mo se olaga usiusitai ma le loto i ai. O le vailaau mata o le poto ma le alofa tunoa lea e mafai ai ona tatou iloa le eseeseega i le va o le leaga ma le lelei, ma iloa ai le agasala i soo se foliga. Ua tuuina atu e le Atua i Lana ekalesia mata e finagalo o Ia e faauuina i le poto, ina ia latou vaai manino ai; ae e toatele e tineia mata o le ekalesia pe ana mafai; auā latou te le mananao e faailoa mai a latou amio, ina ne’i aoaiina i latou. O le vailaau mata paia o le a tuuina atu ai le manino i le mafaufau. O Keriso o le teuoloa o alofa tunoa uma. Na Ia fetalai mai: “Faatau mai ia te A’u” (Faaaliga 3:18).”